

Bortaduras mesi de làmpadas 2022 – giugno 2022

01/06/2022

Acontu IMU 2022

Su Comunu de Santu Giuanni Suèrgiu fait sciri ca su 16 de làmpadas 2022 scadit s'acabbu po pagai s'acontu de s'Imposta Municipali Pròpia 2022 (IMU).

S'agatant àteras informatzionis in su documentu alliongiau (allegato) nomenau "AVVISO SCADENZE IMU 2022 – acconto".

06/06/2022

CONTRIBUTU IN DINAI CUMENTI RIMBURSU DE SU GASTU PO SA FRECUÈNTZIA DE TZENTRUS ESTIVUS.

Su Comunu fait sciri ca, a cunforma cun sa deliberatzioni G.M. n. 24 de su 23/05/2022, cun detèrna de su Setori Sòtziu-culturali n. 233 de su 26.05.2022, at aprovau s'avisu pùblicu po is familias chi tenint fillus minoris da is 4 a is 14 annus, po pòdiri pediri contributus in dinai po cobèrriri is gastus po sa frequèntzia de tzentrus estivus, serbìtzius sòtziu-educativus de su territòriu e tzentrus educativus e de spàssiu, po su periodu intre su 09 de làmpadas 2022 e su 09 de cabudanni 2022.

Su mollu de domanda depit essi compilau e intregai po bia telemàtica, impari a su ISEE 2022, intro de su 27 de làmpadas 2022, sighendi custu alliongiu <https://sangiovannisuergiu.selfcaressc.it> e intrendi cun su SPID personali.

Is familias chi podint pigai su rimbursu, apustis de ai gosau de is serbìtzius depint fai, no avatu (non oltre) de su 30 de cabudanni 2022, su rendicontu de su chi ant gastau, sighendi is modalidadis iscritas in s'Avisu alliongiau e me in is mollus.

Po custu est de importu a allogai is retzidas (ricevute) e is faturas de is serbìtzius pagaus e s'assegurai ca tengant is titulus nomenaus in s'Avisu.

06/06/2022

SI TORRAT A ABÈRRIRI SA DOMU COMUNALI

S'Amministratzioni Cumunali de Santu Giuanni Suèrgiu fait sciri a totus is tzitadinus ca sa domu comunali est àberta torra de su 06 de làmpadas 2022. In su documentu alliongiau s'agatant is oràrius de abertura a su pùblicu de is ufitzius cumunalis, chi ant a abarra in vigèntzia finas a òrdinis nous.

06/07/2022

Saludi a totus!

S'Ufìtziu de Lìngua Sarda de su Cumunu de Santu Giuanni Suèrgiu est abertu!

S'operadora est a disponimentu dae su lunis a su mèrcuris me in sa Biblioteca Comunali de bia Mazzini.

S'abetaus!

07/06/2022

REFERENDUM ABROGATIVU DE SU 12 DE LÀMPADAS – VOTU DE DOMU

Is tzitadinus chi tenint maladias gravis e chi non si podint mòviri de domu insoru mancai puru cun s'agiudu de su trasportu cumunali, podint votai de domu sighendi is indicatzionis me in s'avisu.

07/06/2022

CANTIERI DE LAVORAS PO AMMANNIAI SU PATRIMÒNIU DE IS PADENTIS (PATRIMONIO BOSCHIVO), DGR 16/35 DE SU 05/05/2022. AVISU DE PUBLICATZIONI DE SA LISTA DEFINITIVA.

Su Comunu de Santu Giuanni Suèrgiu avisat ca me in su giassu de s'ASPAL ant publicau sa lista definitiva de is chi ant pigau po traballai in su cantieri nomenau "interventi di aumento del patrimonio boschivo" po s'annu 2021, aprovau cun detèrmina de su dirigenti ASPAL n. 1316 de su 26 de maju 2022.

Si podit fai "clic" in custu alliongu po castiai sa lista: [http://comune.sangiovanisuergiu.ci.it/2022-http://www.regione.sardegna.it/j/v/2362?s=44&v=9&c=93505&c1=4920&id=98677&tipoconc=3&comune](http://comune.sangiovanisuergiu.ci.it/2022-<u>http://www.regione.sardegna.it/j/v/2362?s=44&v=9&c=93505&c1=4920&id=98677&tipoconc=3&comune</u>)

Si fait sciri infinis ca, cun sa comunicatzioni afatanti, in atuatzioni a su puntu 5 de su documentu alliongiu A de sa DGR 33/19 de su 08/08/2013, intre de 15 diris apustis de sa publicatzioni de sa graduatòria, su Comunu at a tzerriai totu sa genti chi tenit diritu, sighendi s'òrdini de sa graduatòria, po ddi fai fai sa proa de idoneidadi.

A is traballadoris chi non si presentant a sa proa (sena de motivu bàlidu) benint bogaus de sa graduatòria. Is chi non si presentant poita tenint unu motivu bàlidu ant a èssiri tzerrius un'àtera diri.

Sa proa po s'assegurai chi si scìpiat traballai at a pertocai calincuna cosa pràtica e at a serbiri sceti po

biri s'abillesa e is capacidadi de donniunu, sena de donai valutatzioni peruna.

07/06/2022

AVISU PÙBLICU PO PÒDIRI IMPREAI SA PALESTRA COMUNALI IN S'ANNU SPORTIVU 2022/2023

Po cantu pertocat s'annu sportivu 2022/2023, impari a sa deliberatzioni G.M. n. 95/2020, su Comunu de Santu Giuanni Suèrgiu fait sciri ca si podit fai domanda po impreai sa Palestra Comunali posta in bia Mascagni, de parti de sotziedadis e assòtzius sportivus de spàssiu, sena de iscopu de guadàngiu chi funt constituias in manera regolari, e àterus assòtzius sena de iscopu de guadàngiu bastit chi tèngiant unu iscopu sotziali, cumentis su benistai de sa personi e sa spainadura de sa cultura sportiva.

Is demandas e totus is paperis depint essi cumprius e intregaus a manu a s'Ufitziu Prisia de su Comunu (Protocollo), o imbiaus in unu "file" ùnicu in PDF de calisiat indiritzu email a ufficio.protocollo@pec.comune.sangiovanisuergiu.ci.it intre de su 30 de làmpadas 2022.

Po àteras informatzionis bastat a castiai totus is paperis alliongius e s'Avisu pùblicu aprovau cun detèrmina n. 238 de su 27/05/2022.

08/06/2022

Oi, su 8 d làmpadas 2022, is bibliotecàrias de Santu Giuanni Suèrgiu – in collaboratzioni cun is maistas de sa scola primària – funt atobiadas a sa pratza de bia Roma (Aposentu de su Consillu Comunali) po fai unus cantu de oras impari a is pipius de sa classi prima de scola primària. Is bibliotecàrias ddis ant lìgiu dus contixeddus, ddis ant fatu ascurtai una cantzoni chi fueddàt de su libru e ddus ant fatu baddai. Ddus ant sentaus fadendi-ddus spassiai e donendi-ddis librixeddus de ligi po contu insoru. Is doxi pipius ant sighiu is atividadi cun prexu e gana bella e aici ant salludau s'acabu de s'annu scolàsticu. A si torrai a biri s'annu chi benit!



08/06/2022

REFERENDUM ABROGATIVUS DE SU 12 DE LÀMPADAS 2022 – ORÀRIUS DE ABERTURA DE S'UFITZIU PO EMITI IS TÈSSERAS ELETORALIS

Su Comunu de Santu Giuanni Suèrgiu avisat a sa popolatzioni ca in sa diri de su Referendum, domìnicu su 12 de Làmpadas, s'Ufitziu Eletoralis, po donai is tèsseras eletoralis, at a abarrai abertu s'ghendi custus oràrius:

Cenàbara su 10 e sàbudu su 11 de làmpadas dae is 9:00 a is 18:00

- domìnicu su 12 de làmpadas dae is 07:00 a is 23:00

13/06/2022

REIS – RÈDDITU DE INCLUSIONI SOTZIALI. GRADUATÒRIAS PROVISÒRIAS.

Su Comunu de Santu Giuanni Suèrgiu fait sciri ca cun sa detèrmina n. 265 de su 10.06.2022 at aprovau sa lista provisòria de is chi podint domandai su REIS - Rèdditu de Inclusioni Sotziali.

Is dimandadoris bessius afatentis (idonei) ant a èssiri tzerrius po telèfonu dae s'Ufitziu Serbìtzius Sotzialis po averiguai sa situatzioni de su Rèdditu de Citadinàntzia (RDC) cosa insoru.

Si arregordat a is dimandadoris ca est obligatòriu a fai sciri a su Comunu chi nc'est stètiu calisiat cambiamentu dae sa diri chi ant intregau sa dimanda. Chini non ddu fait non at a gosai de su benefitziu. Depint fai sciri chi nci funt stètius càmbius asuba de sa famiglia insoru, asuba de su rèdditu o de sa situatzioni de is benis (patrimoniale) e de su dinai chi ddis arribat de su RDC. Po ddu fai sciri tocat a compilai su paperi alliongiau e ddu intregai a manu a s'Ufitziu Prìsia (Ufficio Protocollo) o a ddu imbiai a sa email ufficio_protocollo@pec.comune.sangiovannisuergiu.ci.it

Po cantu pertocat su "Prèmiu Scuola" s'arregordat ca tocat a intregai, intra de su 15 de Argiolas 2022, su paperi chi atestat sa valutatzioni de is pipius nomenada in s'Avisu Pùblicu. Chini non dd'intregat at a perdi su benefitziu.

Po àteras informatzionis e po biri is paperis alliongius càstia innoi:

<https://shorturl.ae/o7RrL>

14/06/2022

Suami Bernardini presentat su libru:
Un'amicizia per due mondi da salvare 3
ghiat SABRINA SABIU
arrexionat la sindaca ELVIRA USAI
Sàbudu su 18 de làmpadas 2022
In s'Aposentu de su Consillu comunali
Bia Roma
Santu Giuanni Suèrgiu
Torrat sa rassinnia literària de #IoLeggo
cun s'aggiudu de s'ACLI S.G.S.
Sàbudu 18 de làmpadas a is seti de merì
In s'Aposentu de su Consillu Comunali in
bia Roma, Santu Giuanni Suèrgiu.
S'autori Tsunami, connota cumentu Suami
Bernardini, at a presentai su romanzu cosa
sua "*Un'amicizia per due mondi da
salvare 3*".
Cumpartzei sa nova!

15/06/2022

**AVISU PO IS FAMÌLIAS E IS BENDIDORIS
- FURNIDURA DE IS LIBRUS**

SCOLÀSTICUS PO IS SCIENTIS DE SA SCOLA PRIMÀRIA - ANNU SCOLÀSTICU 2022-2023

Furnidura de is librus po is scientis residentis in sa bidda de Santu Giuanni Suèrgiu chi ant a intrai in sa Scuola Primària me in s'annu 2022/2023.

Si fatti sciri ca est publicau s'avisu po dimandai sa furnidura a indonu (gratùita) de is librus scolàsticus poi is scientis residentis chi andant a sa Scuola Primària - annu scolàsticu 2022 - 2023.

Po àteras informatziones e is paperis alliongiaus ligi sa nova: <https://bit.ly/3HEoEAV>

15/06/2022

CONSULTA DE IS GIÒVUNUS DE SANTU GIUANNI SUÈRGIU

S'Amministratzioni Comunali est prexiada meda de fai sciri ca funt abertas is iscrizioni po fai pati de sa consulta de is Giòvunus de Santu Giuanni Suèrgiu, cunforma a s'art. 4 de su Regulamentu aprovau cun delibera C.C. n.22 de su 23/05/2022 e segundu su chi est dispostu in s'Avisu Pùblicu alliongiau.

TÌTULUS

Edadi intra is 16 e is 32 annus

Residèntzia o domiciliu in su comunu de Santu Giuanni Suèrgiu

Cunforma a s'art. 4 de su Regulamentu, is giòvunus chi non bivint in su comunu ma chi tenint acàpius (rapporti) e interessus de importu in sa bidda podint essi amitiu cun reserva; s'assemblea, cun votu a majoria, podit decidiri de ddus amìtiri.

Po si iscriri si depint cumpilai is paperis alliongiaus e impari a unu documentu de identidadi si depint intregai a manu a s'Ufitziu Prìsia (Ufficio Protocollo) o imbiaus de calisiat email a ufficio.protocollo@pec.comune.sangiovanisuergiu.ci.it;

SUAMI BERNARDINI PRESENTAT SU LIBRU

Un'amicizia per due mondi da salvare 3

T Z U N A M I

UNA MICIZIA PER DUE MONDI DA SALVARE 3

ROCK SPRINT

GHIAI SABRINA SABIU ARREXONAT SA SINDIGA ELVIRA USAI

Santu Giuanni Suèrgiu

SÀBUDU 18 DE LÀMPADAS 2022

A IS SETI DE MERÌ

in s'aposentu de su Consillu Comunali, bia Roma Santu Giuanni Suèrgiu

lo Leggo 2022

ACLI S.G.S. a.p.s.

Chi si iscrint piciocheddus minoris tocat a su babbu o sa mamma a cumpilai su paperi e a intregai totu cun su documentu de identidadi cosa insoru puru.

Sceti po s'annu 2022 s'acabu po intregai is dimandas est a su 30 de Cabudanni 2022; invecias poi is annus chi benint at a èssiri intra de su 30 de Làmpadas de d-ònnia annu.

Is dimandas chi arribant a pustis de s'acabu ant èssiri postas a s'atu fintz'as a candu scadint.

Po is àterus paperis alliongiaus:

<https://bit.ly/3NXAfwY>

20/06/2022

ISCRITZIONIS PO SU SERBÌTZIU MENSA SCOLÀSTICA – ANNU SCOLÀSTICU 2022 – 2023

Su Comunu de Santu Giuanni Suèrgiu fait sciri ca funt abertus is tèrminis po s'iscritzioni a su serbìtzio de mensa scolàstica po is scientis de sa Scola de s'Infàntzia, Scola Primària e Segundària de primu gradu. Si podint intregai is dimandas a manu me in s'Ufitziu Prìsia o a sa email ufficio.protocollo@pec.comune.sangiovannisuergiu.ci.it intre de su 29 de argiolas 2022.

Po ligi sa nova e totus is paperis castia innoi

<https://bit.ly/3y5jKJZ>

20/06/2022

ORDINÀNTZIA DIRIGENTZIALI N° 03/2022 – PROIBIDURA TEMPORÀNEA DE TRÀFICU E DE PARADA (sosta) IN S'INTERIS DE SA FESTA MANNA E DE SA PRUCISSIONI PO SANTU GIUANNI BATTISTA ME IN IS DIRIS DE SU 24 E 25 LÀMPADAS 2022.

S'Ufitziu Politzia Locali at publicau, in su situ de su Comunu de Santu Giuanni Suèrgiu, s'ordinàntzia n: 03 de su 17 de làmpadas 2022. Si fait sciri ca po is diris 24 e 25 de làmpadas 2022 est proibiu su tràficu e sa parada de is màchinas po sa festa manna e sa prucissioni de Santu Giuanni Battista.

Casia innoi po ligi s'ordinàntzia:

<https://bit.ly/39ApH88>

20/06/2022

FURNIDURA DE BILLETUS DE SPESA (BONUS SPESA) ELETTRÒNICUS. LISTA DE IS DIMANDAS DE SU MESI DE MAJU 2022 E AVISU DE ACABU PO DDAS ARRICIRI INTRA SU 30/06/2022.

Si fait sciri ca cun sa detèrmina n. 272 de su 15/06/2022 su Comunu de Santu Giuanni Suèrgiu at aprovau sa lista de is dimandas arribadas in su mesi de maju 2022 po sa furnidura de is billetus de spesa eletrònicus.

Is Ufitzius ant incarrigau sa dita bincidora de pòniri sa suma me in is tèsseras sanitàrias de is benefitzìarius. Sa dita e totu ddus at a informai imbiendi-ddis unu messàgiu a su telefonneddu.

Si fait sciri ca s'elencu de is negotziantis chi arricint is billetus de spesa po podiri comporai cosas de primu abbisòngiu, at a essi aggiornau candu calincunu àteru s'at a aciùngiri, e at a èssiri publicau in su situ comunali.

S'informat puru ca, po tanti ca nci funt ancora finantziamentus po custa faina, cun sa matessi detèrmina est postu a su 30 de làmpadas 2022 su tèrminu po intregai is dimandas. S'avisu s'at a serrai su 1 de argiolas e non at a fai prus a fai dimandas.

Ligi sa nova:

<https://bit.ly/3bfGxd1>


20/06/2022

Su Comunu de Santu Giuanni Suèrgiu fait sciri ca po mori de su progetu "In su Sulcis", finantziau cun sa lei 482/99 e sa L.R. 22/2018, a incuru de s'Assòtzio Culturali Sa Bèrtula Antiga, at

incarrerai su Servìtziu Lìngua Sarda cun su sportellu linguìsticu me in sa Biblioteca Comunali in ruga Mazzini, 2.

 Un'operadora est a disponimentu de Amministratzioni e cidadinàntzia po:


- furriai in sardu àutus amministrativus e avisus pùblicos o atras comunicatzionis in bessida o in intrada po s'Enti, e fintzas documentus privaus;
- donai agiudu in su sardu scritu e àteras consulèntzias a funtzionàrius e citadinus; is àterus tretus de comunicatzioni pùblica;
- donai agiudu in su sardu scritu e àteras consulèntzias a funtzionàrius e citadinus;
- incarrerai progetus de collaboratzioni cun is assòtzius suerginus po sa promotzioni e s'avaloriu de su patrimoniu materiali e immateriali de sa bidida.

 Su sportellu arricit segundu custus oràrius:

lunis 9:00 – 13:00 e 15:30 – 17:30;

martis 9:00 -13:00;

mèrcuris 9:00 – 13:00 e 15:30 – 17:30.

 Po apuntamentus e informatzionis si podit preguntai a s'operadora cun sa mail linguasardasanguergiu@gmail.com, telefonendi o cun unu messàgiu Whatsapp a su nùmeru suu, 3475119166, in oràriu de servìtziu.

Ligi sa nova:

<https://bit.ly/3n2pvBN>

In su Sulcis, su sardu in ònnia logu e in ònnia dii. Fuedda cun nosus!

21/06/2022

CARRÌNGIU PO IS ANDANTILES (TRASPORTO PENDOLARI) DE SA SCOLA DE S'ÒBRIGU – ANNU SCOLÀSTICU 2022 -2023

Iscritzionis serbìtziu carrìngiu scolàsticu.

Annu scolàsticu 2022/2023 (Acabu po intregai is dimandas: 15 de Argiolas 2022).

AVISU

Si fait sciri ca dae sa diri 08 de làmpadas 2022 funt abertus is tèrminus po s'iscriri a su serbìtziu de carrìngiu scolàsticu de su Comunu de Santu Giuanni Suèrgiu po is scientis de sa scola de s'òbrigu.

S'avisu, is mollus de iscrizioni e s'informativa de sa privatesa si podint castiai me in su Comunu, me in su giassu www.comune.sangiovannisuergiu.ci.it e me in s'Infopoint (intrada a su costau de su Comunu) abertus segundu custus oràrius:

Lunis 13 de làmpadas dae is 4 a is 5 de meri

Mèrculis 15 de làmpadas dae is 10 a is 11 de mengianu

Lunis 20 de làmpadas dae is 4 a is 5 de meri

Mèrculis 22 de làmpadas dae is 10 a is 11 de mengianu

Lunis 27 de làmpadas dae is 4 a is 5 de meri

Mèrculis 29 de làmpadas dae is 10 a is 11 de mengianu

Sa dimanda cun is paperis allongiaus obrigatòrius si depit intregai cumentu file PDF a sa pec ufficio.protocollo@pec.comune.sangiovannisuergiu.ci.it o intregada a manu a s'Ufitziu Prìsia me in is oràrius de abertura.

Sa dimanda depit arribai intre su 15 de argiolas 2022 po pòdiri incarrerai su serbìtziu.

Is dimandas chi arribant a pustis de su tèrminu o in s'interis de s'annu scolàsticu ant a èssiri arricidas sceti chi ddoi ant a càpiri segundu disponibilitadi.

Si informat ca su tretu e su nùmeru de is biaxadoris ant a cambiai chi nc'ant a èssiri abisòngius nous po cumbati su COVID19. Chi no at a èssiri possibili a donai custu serbìtziu a totus, ddu ant a gosai sceti is chi bivint me in is fratzionis, foras de su centru de bidida e me in is domus atesu a prus de duus chilòmetrus de sa scola.

Su Comunu, apustis de averiguai is dimandas, at a fai sciri a is chi no at a gosai de su serbìtziu.

S'Amministratzioni comunali e s'Ufitziu Pùblica Istrutzioni s'aturant a disponimentu po donai àteras informatziones a su nùmeru 0781-6999342 dae su lunis a sa cenàbara dae is 10:00 a mesudì e su lunis a merì dae is cuatro a is sesi.

Sa Responsàbili se su Setori Sòtziu – Culturali

Dot. Alessandra Zurru.

Ligi sa nova

<https://bit.ly/3n3Vfq9>

21/06/2022

AVISU PO IS ASSÒTZIUS SPORTIVUS

Sa Regione Autònoma de Sardìnnia at publicau un'avisu pùblicu po donai dinai de impreai in s'atividadadi sportiva de is giòvunus.

S'Amministratzioni Comunali de Santu Giuanni Suèrgiu fait sciri ca s'Assessorau a sa Pùblica Istrutzioni at publicau un'avisu po pòdiri donai dinai po s'atividadadi sportiva de is giòvunus (lei regionali 17 maju 1999, n. 17, artìculu 2), nomenada "Provvedimenti a favore dello sviluppo dello sport in Sardegna".

Dae su 20 de làmpadas e fintzas a su 27 de argiolas 2022 podint fai dimanda is sociedadis e is assòtzius sportivus de Sardigna, bastit chi siant iscritas a su registru regionali (albo) de is sociedadis sportivas e chi tengant tìtulus specificus:

Po ligi s'avisu interu e informatziones prus completas:

<https://bit.ly/308vLUA>

22/06/2022

S'istadi suergina cumintzat e finit cun unu iaxi de atòbius, cuncertus e spetàculus còmicus e de teatru! De su mesi de argiolas a cabudanni nc'ant a èssiri cosas bellas e ispantosas meda, po nci spaciai su tempus arriendi, cantendi e baddendi. Ant a èssiri mesis praghillosus! Marca-tiddus in su calendàriu po non ti ndi scaresci!

Comunu de Santu Giuanni Suèrgiu

ISTADI 2022

Calincunu de is atòbius:

- Argiolas 22** Rassinnia loLeggo
Presentada de su libru de Giuseppe Coròngiu, a is 21:30 in s'apòsentu de su Consillu Comunali
- Argiolas 23** Cuncertu de is Tazenda
A is 21:30 in Pratzu IV Novembre
- Austu 12** Tziu Pibioni
Marco Piccu s'at a fai scallai de s'arriu cun su spetàculu còmicu nomenau "Come piangere ridendo", a is 21:30 in Pratzu IV Novembre
- Cabudanni 3** Is massàias fendi su pani
Cumèdia in lingua sarda scritta a ghiada de Anna Simbula Marras. A is 21:30 ma in su giardinu de s'apòsentu de su Consillu Comunali

Po àteras informatziones:

f comunegsuergiu
proflocc san giovanni suergiu
0781 689782

Civertu Suèrgiu

22/06/2022

S'avis comunali de santu giuanni suèrgiu dimandat a totu sa popolatzioni de donai su sànguni me in sa emoteca cosa insoru. s'atòbiu est in pratzu iv novembre de is 8:00 a is 12:30.

a is chi donant su sànguni ddis ant a donai is analis cumententi narat sa lei 219/05 a amparu de sa saludi. a sa fini ddis ant a cumbidai cosa de smurzai.



GIÒBIA 23 DE LÀMPADAS 2022

S'Avis comunali de
Santu Giuanni
Suèrgiu

dimandat a totus de donai su sànguni

Cavalca
l'onda solidale

AVIS

**A IS CHI DONANT DDIS ANT A
CUMBIDAI COSA DE SMURZAI!**

A IS DONADORIS DDIS ANT A ARRIBAI IS ANALIS CUMENTENTI NARAT SA LEI
219/05 A AMPARU DE SA SALUDI.

S'ATÒBIU EST IN PRATZA IV NOVEMBRE DE IS 8:00 A IS
12:30.

22/06/2022

*"In tutto cio' che devi far
Il lato bello puoi trovar"
Mary Poppins*

Prontu ses po ti fai tragai de Mary Poppins?

A Santu Giuanni Suèrgiu, cenàbara su 24 de làmpadas 2022 a is 21:00 ddoi at a èssiri su spettàculu Disney Musical in the Street arrangiau asuba de Mary Poppins – the hit Broadway Musical.

Una parade movidora cun mùsica e coreografias de su grupu Cibiesse Elmas, cuncordada de sa Scola Civica de Mùsica Don Tore Armeni, at a fai scioru po mannus e pitius.

Sa parada at a partiri de sa ruga Roma, firmendi-sì fatu fatu fintzas a arribai a pratza IV Novembre aundi nci at a èssiri sa presentada finali.

Is personàggius de Mary Poppins s'abetant po fai unu iaxi de fotografias cun is pipius!

22/06/2022

Sa festa manna de Santu Giuanni Batista at a cumentzai cenàbara 24 e at a spaciai sàbudu 25. Cenàbara a is 18:30 ddoi at a èssiri sa Santa missa e sa prucissioni cun sa stàtua de su Santu, impari a sa traca de is bois e is grupus folk a pei e a cuaddu.

Sa prucissioni at a sighiri custu tretu: Pratza IV Novembre, Ruga Vitt. Emanuele, Ruga Is Lois, Ruga Gramsci, Ruga Mazzini, ruga Costituzione, ruga Repubblica, ruga Balbo, ruga Don Minzoni e si torrat a firmari in Pratza IV Novembre.

In s'interis at a sonai sa banda musicali E. Porrino.

Is chi tenit sa bistimenta sarda chi si ddu pongant sa diri.

Su Comitau torrat gràtzias a totus is chi ant pigau parti po fai arrennesci beni sa festa.

FESTA DE
SANTU
GIUANNI
BATISTA

24 E 25 DE
LÀMPADAS
2022



FESTA DE
SANTU
GIUANNI
BATISTA

24 E 25 DE
LÀMPADAS
2022



24 DE LÀMPADAS
2022

- 8:00 *Santa Missa*
- 18:00 *Santa Missa, prucissioni cun sa traca de is bois e is grupus folk a pei e a cuaddu*
- 21:00 *Spettàculu Disney: Mary Poppins*

SANTU GIUANNI
SUÈRGIU

SANTU GIUANNI
SUÈRGIU

FESTA DE
SANTU
GIUANNI
BATISTA

24 E 25 DE
LÀMPADAS
2022



25 DE LÀMPADAS
2022

- 19:00 *Santa Missa*
- 21:30 *Mùsica cun su grupu "Gli operai della 1100", chi ant a fai cantzonis de Rino Gaetano*

SANTU GIUANNI
SUÈRGIU

27/06/2022

Cenàbara 24 de làmpadas in Santu Giuanni Suèrgiu ddoi fiat sa festa manna de Santu Giuanni Batista. A is 18:30 su predi at fatu sa missa e in s'interis est atobiada sa genti bistida a costumi sardu - est arribada finzas sa traca de is bois. A pustis de sa missa ndi ant calau su Santu de sa crèsia, ddu ant postu asua de sa traca e sa prucissioni est partida. Nci fiant fèminas e òminis a cuaddu; "Is suerxinus" - su grupu folk de sa bidde -, su grupu de Flumentèpidu, cussu de Perdàxiu e su de Serbariu: arratza de bella mèschia de coloris nci fiat! Totus impari e cun sa banda musicali puru ant fatu su giru de is rugas allacanantis fintzas a torrai faci a pari a sa crèsia. Totu sa genti at abettau in pratza po biri su Santu torrenci-nci a intru. Spaciada sa

prucisioni, a is 21:00 est cumentzau su spetàculu de Mary Poppins e is pipius fiant prexias meda.

Àterus annus cun saludi!

27/06/2022

Su comunu e totu sa popolatzioni de Santu Giuanni Suèrgiu funt prexias meda de fai festa a Tzia Rosa Viotti ca at fatu centu annus su 25 de làmpadas 2022. Sa sìndiga cun s'assessori Eleonora Spiga funt andadas a dda agatai in sa domu de is antzianus in Sant'Antiogu e ddi ant donau una targa po arregordu de custa bella tarea.

Chi Deus ddi donit saludi e paxi po àterus annus medas! Norabbonas!

28/06/2022

CURSU DE FORMATZIONI A INDONU (GRATUITO) PO TÈNNICUS DE PRODUSIDURA DE ÒBERAS TURÌSTICAS – ESPERIENTZIALIS CUNCORDAU DE SA CONFESERCENTI: ISCRITZIONIS.

Su Comunu de Santu Giuanni Suèrgiu fait sciri ca sa Confesercenti Provinciali de Casteddu est incarrerendi a ndi boddiri is iscritzionis de is chi bolint pigai parti a su cursu po tènnicu de produsidura de òberas turìsticas – esperientzialis.

Est una faina finantziada de sa Regione Autònoma de Sardigna cun s'artìculu 11 de sa lei regionali n.22 de su 23/07/2022 nomenada "Legge quadro sulle azioni di sostegno al sistema economico della Sardegna e a salvaguardia del lavoro a seguito dell'emergenza epidemiologica da Covid-19". Est una faina chi tenit sa bidea de formai una genia noa de traballadoris medas circaus in custu perìudu.

Su cursu est poi is chi non tenit traballu (andat beni puru èssiri sena de traballu candu si cumpilat sa dimanda) e est a indonu, bastit chi sa genti tengat su diploma de scola mèdia.

Càstia custu acàpiu po biri s'avisu, is paperis e de ita totu at a chistionai su cursu:

<https://bit.ly/3noPDXY>



29/06/2022

Pràja de Portu Botti

In sa plaja ddoi at unu stàinu aundi s'agatant mangonis e àterus pillonis migradoris/tramudadoris.

Cumentis nci lòmpiri:

de Casteddu tocat a tirai a sa statali 130, furriai a Silìcua e arribai a Giba. De ingunis tocat a ndi bessiri de sa bidde e a tirai faci a Igrèsias/Calasetta. Tirai deretu lassendi sa bidde a palas de bosàterus (seis in sa SS195) fintzas a candu agatais unu arrundou cun perdas in mesu de s'argioledda: sighei deretu ancora.

A sa fini agatais s'inditu po Portu Botti. Furriai a manu manca e caminai po 1 chilòmetru fintzas a aciapai is parchèggius de sa plaja.

Informatzionis e serbìtzias:

in d-ònnia mesi de s'annu Portu Botti e Punta Trettu funt logus abitaus de is chi faint atividadi sportiva cumentis su Kite surf, poita ddoi funt bentus meda e su logu est adatu.

Casi ca s'atividadi s'est ammaniada meda in custus ùltimus annus, in custus logus ndi apròbiat genti de totu su mundu.

Pràja de Punta Trettu

In custu scenàriu s'agatat unu pinedu de opinus bellu e mannu; su logu est incantosu meda poita est faci a mari e faci a Sant'Antiogu e Santu Perdu.

Pràja de Corongiuali

Sa plaja de Corongiuali est prena de pinedus. A palas nci funt unus cantu de domus de is piscadoris: issus lassant sa barca de linna cosa insoru (nomenada "ciu") oru-oru de mari.

Cumentis nci lòmpiri:

de Casteddu tocat a pigai sa statali 130 e sighiri conca a Carbònia. Furrari a Santu Giuanni Suèrgiu e de ingunis, conca a Matzàccara. De s'essida de Matzàccara pigai sa ruga a ovest ca si fait atobiai a sa plaja.